



BASES REGULADORAS DA CONVOCATORIA DA "CAMPAÑA DE NEVE DA DEPUTACIÓN DA CORUÑA PARA O ANO 2023 DIRIXIDA ÁS PERSOAS EMPADROADAS NO CONCELLO DA CORUÑA"

I. OBXECTO

Estas bases teñen por obxecto regular a convocatoria pública para a participación na Campaña de Neve do ano 2023 na estación Valgrande-Pajares (Asturias) que convoca todos os anos a Deputación da Coruña a través dos concellos interesados; neste caso concreto, a través do Concello da Coruña.

II. PROGRAMA

Os participantes neste programa desfrutarán de 4 días con aloxamento e manutención, nun albergue a pé de pista, e contarán con cursos de esquí e actividades complementarias na estación invernal de Valgrande-Pajares (Asturias).

A campaña dará comezo a terceira fin de semana de xaneiro e desenvolverase ao longo de seis quendas, segundo a distribución xeográfica. A entrada dos rapaces e rapazas na estación será o venres antes do xantar e a saída o luns despois do xantar.

A quenda dos nenos empadroados no Concello da Coruña que resulten beneficiarios será do 17/02/2023 ao 20/02/2023.

A Deputación responsabilízase da maior parte dos gastos ocasionados polos cursos: transporte de todos os participantes, dende o punto de recollida en cabeceiras de comarca, estancia, manutención, monitores, clases de esquí, seguros, alugamento e material, remontes mecánicos na estación e actividades varias.

As persoas participantes que resulten beneficiarias deberán aboar unha cota de inscrición e cumprir con todas as condicións impostas pola Deputación, de xeito especial coas publicadas na páxina web www.dacoruna.gal/deportes/actividades.

III. NÚMERO DE PRAZAS

O número de prazas que convoca o Concello da Coruña é de **30(trinta)**.

IV. DESTINATARIOS

Rapazas e rapaces empadroadas/os na cidade da Coruña con idades comprendidas entre os 11 e os 15 anos inclusive (cumpridos a 31 de decembro de 2022).

V. COTA DE INSCRICIÓN:

A cota de inscrición será de **OITENTA E CINCO EUROS (85,00 €)**, que deberán ser ingresados no número de conta da Deputación da Coruña que se comunicará no momento de adxudicar as prazas. No suposto de que non se dispoña do número de conta na data de matrícula, formalizarase a mesma e, posteriormente, enviaráselle un correo electrónico



Ayuntamiento de A Coruña Concello da Coruña

para que realice o pago no prazo que se lle indique, coa advertencia que, de non facelo, entenderase que renuncia á praza e adxudicárase a mesma seguindo a listaxe de agarda.

VI. SOLICITUDES DE PREINSCRIPCIÓN

As persoas interesadas deberán presentar unha solicitude de preinscripción na páxina web de Deportes do Concello da Coruña (www.coruna.gal/deportes) ou na oficina de rexistro do Servizo Municipal de Deportes do Concello da Coruña situada no Palacio de Deportes de Riazor.

O prazo para presentar as solicitudes de preinscripción comeza o **7 de decembro e remata o día 16 de decembro de 2022, ás 14:00 horas.**

Para as solicitudes de preinscripción non é necesario presentar ningún tipo de documento nin ficha, só cubrir os datos na páxina web.

En todo caso, debe constar un número de teléfono de contacto do pai, nai ou titor do menor e mais un enderezo de correo electrónico.

Non se admitirán solicitudes de participación que non se realicen a través do formulario indicado nas bases.

VII. LISTAXE PROVISIONAL

A listaxe provisional de solicitantes publicarase o día **19 de decembro de 2022.**

Posteriormente, abriase un período de emenda de erros que remata o día 20 de decembro de 2022. As alegacións presentaranse no seguinte enderezo electrónico deportes@coruna.gal.

VIII. SORTEO PÚBLICO E ADXUDICACIÓN DE PRAZAS

No suposto de que existan máis solicitudes que prazas, celebrarase un sorteo público, o 21 de decembro de 2022, ás 09:00 h., para establecer a orde de adxudicación de prazas, na páxina <https://echaloasuerte.com> ou a través do procedemento de insaculación.

Orde de preferencia para a adxudicación das prazas: nos supostos en que o número de prazas solicitadas sexa maior das ofertadas, para a orde de preferencia terase en conta:

- 1) as **persoas que non participasen en ningunha campaña de neve da Deputación da Coruña.**
- 2) O sorteo de prazas segundo o número de solicitude asignado e conforme ao agraciado no sorteo público.

IX. PUBLICACIÓN DA LISTAXE DEFINITIVA

A listaxe definitiva publicarase o día **22 de decembro de 2022 .**

Todos os solicitantes que non obtivesen praza pasarán a formar parte da listaxe de agarda.



X. MATRÍCULA E FORMALIZACIÓN DAS INSCRICIÓN

Do 22 ao 28 de decembro de 2022 a través do correo electrónico deportes@coruna.gal deberase formalizar a matrícula, segundo as normas e documentación solicitada pola Deputación da Coruña. En caso de non presentar a matrícula entenderase que se renuncia á praza, e adxudicaranse as prazas vacantes seguindo a listaxe de agarda.

Para inscribirse será necesario:

1. Ficha de inscrición da Deputación da Coruña.
2. Foto de carné.
3. Fotocopia do documento de asistencia sanitaria.
4. Fotocopia do libro de familia ou carné de identidade.
5. Xustificante de pago da cota (unha vez adxudicadas as prazas, informárase da conta onde se realizará o ingreso, no que se fará constar "CAMPAÑA DE NEVE 2022 - DEPUTACIÓN DA CORUÑA" - CONCELLO DA CORUÑA e NOME da nena/o).
6. No caso de tratamento específico ou doenza que sexa necesario ter en conta, xustificante médico asinado polo facultativo pertinente. Importante facer constar as alerxias alimenticias ou de calquera outro tipo.

XI. OUTRAS DISPOSICIÓNS

Non se permite a cesión a terceiras persoas da praza asignada.

As listaxes de solicitantes dos cursos ofertados, listaxes definitivas e demais documentación, información ou notificación referida a esta convocatoria publicarase na páxina web municipal, nos taboleiros de anuncios das instalacións deportivas municipais e no teléfono de información cidadá 010.